

|            |                               |             |                     |
|------------|-------------------------------|-------------|---------------------|
| Headline   | Kajian siap akhir bulan depan |             |                     |
| MediaTitle | Berita Harian                 |             |                     |
| Date       | 22 May 2019                   | Color       | Full Color          |
| Section    | Nasional                      | Circulation | 82,252              |
| Page No    | 24                            | Readership  | 246,756             |
| Language   | Malay                         | ArticleSize | 355 cm <sup>2</sup> |
| Journalist | Nor Fazlina Abdul Rahim       | AdValue     | RM 11,800           |
| Frequency  | Daily                         | PR Value    | RM 35,401           |



## PENSTRUKTURAN AGENSI PERUMAHAN

# Kajian siap akhir bulan depan

➔ Inisiatif elak pertindihan tugas, wujud sistem pengurusan lebih efisien

Oleh **Nor Fazlina Abdul Rahim**  
nfazlina@nstp.com.my

► Pasir Mas

**K**ajian penstrukturan semula empat agensi perumahan negara, termasuk Perumahan Rakyat 1Malaysia (PR1MA) dijangka selesai selewat-lewatnya akhir bulan depan.

Timbalan Menteri Perumahan dan Kerajaan Tempatan, Datuk Raja Kamarul Bahrin Shah Raja Ahmad Baharuddin Shah, berkata kajian berkenaan dilakukan syarikat profesional dilantik kerajaan.

Beliau berkata, kajian berkenaan penting bagi mengelak berlaku pertindihan tugas dan mendapatkan sebuah pangkalan data, sekali gus mewujudkan satu sistem pengurusan perumahan yang lebih efisien

Katanya, sebaik pembenta-



**Raja Kamarul Bahrin** melihat rumah contoh ketika melawat tapak projek PR1MA Lubok Jong, Pasir Mas, semalam.

ngan kajian itu dibuat, pihaknya akan membuat keputusan untuk penstrukturan semula supaya satu organisasi lebih efisien serta mantap dapat diurus.

### Perlu pangkalan data

“Setakat ini, ada empat agensi sehingga berlaku banyak pertikaian. Ramai mendakwa mereka sudah lama berdaftar se-

hingga berbelas-belas tahun, namun belum mendapat rumah.

“Justeru, apa yang penting kita perlukan pangkalan data supaya berlaku adil kepada semua yang layak dan tidak timbul sebarang pertikaian.

“Perlu ada sistem perumahan yang efisien, malah sistem berkenaan juga membantu golongan berpendapatan 40 peratus

terendah (B40) B40 mendapat rumah,” katanya pada sidang media selepas melawat pembinaan PR1MA Lubok, Jong, di sini, semalam.

Pada masa sama, Raja Kamarul Bahrin Shah berkata, pihaknya juga bekerjasama dengan institusi kewangan bagi membolehkan golongan B40 memperoleh pinjaman.

[FOTO ZAMAN HURI ISA /BH]